

# LO PAPARACIANNO

Canzone del 1872

*E. MARTELLI*

Prezzo netto fr. 50.

*Allegro*

CANTO

Vur\_ria ad\_de\_ven\_tà no Mi\_lor\_di\_no per

PIANOFORTE

fa\_re a Nen\_na mi\_a lo sor\_de\_gli\_no! Lo sor\_de\_gli\_no è ghianno; o quant'è

bel\_lo o Papara\_cianno! Lo Papara\_cian\_no mi\_o lo dongo a chi vogl'i!

Prop. Ditta T. COTTRAU

a 16594 a



Vorrià addeventà no Calascione  
 Pe le sonà da sotto a lo barcone,  
 O calascione è ghianno etc.

Vorria addeventà no peccerillo  
 Pe mp!(1) le dà no vaso a pezzechillo,  
 Lo pezzechillo è ghianno etc.

Vorria addeventare na rosella  
 Pe m<sup>a</sup> zzeccà no poco a la vocchella,  
 E la vocchella è ghianno etc.

Vorria addeventare no mazzetto  
 Pe me posare a chillo pizzo mpietto,  
 E lo mazzetto è ghianno etc.

Vorria addeventà no soldacchiello  
 Pe le potè accattà lo pazziariello,  
 Lo pazziariello è ghianno etc.

Vorria addeventà na carrozzella  
 Pe fa trottà no poco a sta nennella  
 La carrozzella è ghianno etc.

Vorria addeventare nu muscillo  
 Pe le potè scippare lo nasillo,  
 Chillo nasillo è ghianno etc.

Vorria addeventà capizzo o stoppa  
 Pe farla parè grossa sotto e ncoppa,  
 E lo capizzo è ghianno etc.

Vorria addeventà na chitarrella  
 Pe farne pizzicà da nenna bella,  
 La chitarrella è ghianno etc.

Vorria addeventare no fruncillo  
 Pe le potè cantà no pocorillo,  
 E lo fruncillo è ghianno etc.

Vorria addeventà na sopressata  
 Per farle co lli fichi na fellata,  
 La sopressata è ghianno etc.

Vorria addeventà Santa Lucia  
 Pe fa fa na scialata a nenna mia,  
 Santa Lucia è ghianno etc.

Vorria addeventare na spatella  
 Pe l'appuntare ncapo la trezzella,  
 E la trezzella è ghianno etc.

Vorria addeventà masto de scola  
 Pe mparà a compitare a sta figliola  
 O masto è scola è ghianno etc.

Vorria infine, addeventà riccone  
 Per le levà verrize a battaglione,  
 E lo riccone è ghianno etc.

(1) Imitando il bacio.